

Art 114<sup>31</sup>.

Wg  
1143

X 1998059

GRATVLATIO

ILLVSTRI, GE-  
NEROSO DOMINO, DN.  
HENRICO RVTHENO

Posthumo, Domino à Plavia, Domino juniori  
in Graiza, Granichfelda, Gera, Seleucia, &  
Lobensteinia, etc. Domino suo  
clementi.

ILLVSTREM, GENERO-  
SAM, OMNIBVSQVE VIRTVTIBVS CLARISSI-  
MAM DOMINAM, DOMINAM MAGDALE-  
NAM, Illustris, Generosi & Nobilissimi Domini, Do-  
mini VVOLF GANGI, Comitis in Hohen-  
lohe, Domini in Langenbergk, & VVeickers-  
heim, &c. filiam, Sponsam, in domum  
suam deducenti, exhibita

NICOLAO FRÖLICH GE-  
rano, L.L. Studiofo.



I E N Æ  
TYPIS TOBIÆ STEINMANNI.  
ANNO MDXCIV.

UNIVERSITÄTS-BIBLIOTHEK  
HALLE  
(SAALE)

BIBLIOTHECA  
PUNICIANA

K. 114, 31.









*Ix humili, quanquam Parnassi in val-*  
*le virentis,*

*Musa mea exiguo sustinet ore loqui:*

*Attamen argutis Philomela asueta Camænis*

*Grata Deo sperat se didicisse loqui.*

*Grata Deo res est, versu celebrare potentes,*

*A quibus in civis gratia larga redit.*

*Et mihi, si placidè Generose HENRICE favebis,*

*Vox erit in laudes officiosa tuas.*

*Dexter es ingenijs doctus, admiror id ipsum,*

*Ingenio cupio notior esse tibi. //*

*Magnanimis ab avis HENRICE create tuorum*

*Maiorum salvus limina salva subis.*

*Te neq, vir melior quisquam, nec amantior equi,*

*Quemq, juvent animo vota precesq, magis.*

*Vota precesq, Heros fundam clarissime gratas,*

*Carmina pro vestra pauca salute feram.*

*Cum ditione tua tenear subiectus alumnus*

*Id satis agnosco muneris esse mei.*

*Christe fave captis, Heros ut fronte serena*

*Accipiat tenui munera missa stylo:*

*Admiranda Dei sapientia fulget in ipso*

*Coniugio, bonitas eminet ampla Dei.*

*Testis amor verè quovis ardentior igne*

*Qui mentes castis motibus intus agit,*

*Atq, foràs non obscuris erumpere signis*

*Sapè solet, mortis non remorante metu.*

*Hac quoq, parte sui nos commonefecit amoris*

*Mens hominum sapiens non inimica bonis.*

*Certa deloriferi testor discrimina partus,*

*Testor & immensi grande laboris onus.*

*A ij*

*Coniugij*



Coniugij gaudet Deus emollire labores,  
Adjuvat & dubium parturientis opus.  
Assidet ut nutrix parvis custodia cunis  
Pervigilat noctes, pervigilatq; dies.  
Quam cunctos verè superis gratissima vita  
Accipit in socio vita terenda thoro.  
Non est invisusve Deo, cælove negatus,  
Conjugis amplexu qui retinetur amans.  
Nec trahit immundo mersus vestigia cæno,  
Cui sua legitimè pignora nata placent.  
Desinat & tandem ignavis gens abdita claustris  
Irasci probris audeat ipsa suis.  
Conjugium res grata Deo est, qui condidit astra,  
Cujus ab arbitrio stant mare, terra, polus.  
Cujus ubi magni perfecit grandia Mundi  
Corpora, conjugium proxima cura fuit,  
Cum genus ignotum Monachorum, nomen inane,  
Nesciretq; suos terra creata Duces.  
Et nec adhuc urbes, nec cives urbibus essent,  
Conjugij sanxit fœdera prima Deus.  
Ipseq; sopito nympham fabricavit Adamo,  
Ipse prior mystes, pronubus ipse fuit,  
Tunc quoq; cum coleret servi sub imagine terras  
Inductus carnem, nostraq; membra Deus,  
Ipse thori festas conviva accedere mensas  
Sustinuitq; humilem Christus adire Canam.  
Nec sua claruerat tunc per miracula vulgo  
Notus at ætherei voce parentis erat.  
Defuerat vinum mensis: vinum inclyta mater,  
Nate decus nostrum, nam potes, offer, ait.  
Ille nihil primo mox fusa servulus unda  
Pro liquidis vinum nobile portat aquis.

Cui,



Cui, DEVS, hac, inquit, Sponso carthesia perfer  
Et memorem nostri muneris esse jube.  
Conjugium humana vita est sacra palastra,  
Ordoq; virtutum, prodeat unde schola.  
Ut neq; venturus desint aetatibus, has qui  
De vivi doceant cognitione Dei.  
Qui certa serie divina oracula verbi  
Ceus semen spargant, qua patet orbis iter.  
Qui sint custodes, & legum cura bonarum,  
Qua scelus impuri pectoris omne vetant.  
Ut niveus morum candor perduret in aevum.  
Nomen & a sera posteritate ferat.  
Conjugium verè est casta nutricula vita,  
Vita Deo nunquam gratior esse potest.  
Quos illi moveat vitiosa libido furores,  
De gravibus pœnis discere plana via est.  
In cinerem vertit mala Troja fœmina muros,  
Igne Corinthiaca sic cecidistis opes.  
Deniq; naturæ ductum cum bruta sequantur,  
Cur illi faceret bella rebellis homo?  
Conjugij multis insunt vestigia rebus  
Sic factore olim constituente Deo.  
Cum pare miscetur quàm blando murmure turtur,  
Connubij specimen, si placet, inde pete.  
Exemplum casto tibi sint in amore columba,  
Quanta fides & quam mutua cura manet.  
Dicere non possum, centum licet ora sonarent,  
Mille voluptates, commoda mille thori.

Hac HENRICE tua memori RUTHENE putasti  
Mente, vir illustris nobilitatis honos.  
Postquam gustasti dulces Aganippidos undas,  
Excultum varia pectus ab arte geris,



Inssa DEI Generosa parens simul ipsa subivit  
Vsq; animum stimulus sollicitando tuum,  
Nullibus è multis nunc tandem virgo probata,  
Et genere excellens atq; pudicitia:  
MAGDALIS insigni pietate, & moribus aequis  
Vnanimi tecum fœdere iuncta thori est.  
Quanto splendidior quàm cætera sidera fulget  
Lucifer; hoc melius sidere Luna nitet.  
Tanto virginibus præstantior omnibus una  
MAGDALIS in thalamum nupta petita ven  
Quæ, Veneris formam, mores Iunonis habendo,  
Sola est Ruthenio digna reperta thoro.  
Ille igitur tantis cumulatus honoribus Heros  
Cum Sponsa optata regna paterna subit.  
Ille inquam nostras præsentis lumine terras  
Aspexit, nobis cernere seq; dedit.

Ergo genu cives flexo venerantur euntem  
Proq; heroë suo vota precesq; canunt.  
Quid quisq; inter eos possit præstare laboris,  
Hoc simul ex animo promptus obire studet.  
Inprimis tibi felices gratantur honores,  
Auspicio cedant omnia fausta tuo.  
Affluat è cælo Domini benedictio Sponsis  
Largaq; det thalamo pignora multa pio.  
Sic genus antiquum & vestra stirps inclyta gentis  
Crescat, & egregijs floreat aucta viris.  
Iam cum nemo leves nascens intraverit auras,  
Viveret ut soli consuleretq; sibi:  
Sed natale solum partem sibi vendicat ortus  
Et partem qui nos progenuere petunt,  
Quo propiore tibi fuerit quis fœdere iunctus,  
Fœderis hoc titulo justius urget opem.

Aggre-



Aggredere ô magnos, aderit jam tempus, honores  
Et patrij capias sceptrâ regenda soli.  
Sceptrâ regenda soli capias, ad culmina rerum  
Te maiora vocant fata, volente Deo,  
Sis bonus ô facilisq; tuis, en quisq; precatur  
Defendendo probos & reprimendo malos.

Tranquille Domino Generoso tempora pacis  
Ex animis opto subditus ipse meo.  
Lata sub Augusto celebrantur qualia, Christus  
Cum fuit in terris virgine natus homo.  
Nos pacem laudamus, amanti & numina pacem,  
Pace vigent urbes, jura sacrata vigent.  
Et legum pietas valet, & pietatis alumna  
Virtutes, doctus Pieridumq; chorus.  
Pace suas mercator opes, & parta tuetur  
Agricola, uxorem vir fovet atq; suam.  
Et suus est aris honor, & reverentia templis,  
Portas successu gratia lata subit.  
A populus cunctis in voce animoq; superbum  
Pompeium favor & gratia quanta fuit.  
Exerat hæc in eis sese officiosa voluntas  
Qui tibi subiecti sub ditione manent.  
Non melius florent civilis commoda vita  
Quam benè cum Princeps civibus esse cupit.  
Et quo Pellæus juvenis fervore laceffens  
In mundi populos totius arma tulit.  
Non illis cessit, sed contra audentior ivit,  
Imperij fines amplificando sui.  
Sic tu qui claris nomen virtutibus æquas,  
Nec sinis ingenium nobilitate premi.  
Contra hostes capias infestos fortiter arma  
Civibus avertas noxia quæq; tuis.


Te pro-



*Te probitas morum commendet & integra vita  
Alter Trajanus jure vocandus eris.  
Qui tulit externas incommoda multa per oras  
Ipse fatigatis equior esse potest.  
Nec Constantino cedas pietate verenda,  
Pro sacris pugnes fortiter atq; fociis.  
Conveniens homini est, homini servare juvando,  
Præcipuè hic candor pectora celsa juvat.  
Sic tu præclaris à stirpe parentibus orbe,  
Qui numeras longa nobilitatis avos:  
Majorum fueris imitatus facta parentum,  
Et generis vestri fama perennis erit.*







B.I.G.

Farbkarte #13

K. 114, 31.

Wg  
1143

X 1998059

GRATVLATIO  
ILLVSTRI, GE-  
NEROSO DOMINO, DN.  
HENRICO RVTHENO

Posthumo, Domino à Plavia, Domino juniore  
in Graiza, Granichfelda, Gera, Seleucia, &  
Lobensteinia, etc. Domino suo  
clementi.

ILLVSTREM, GENERO-  
SAM, OMNIBVSQVE VIRTVTIBVS CLARISSI-  
MAM DOMINAM, DOMINAM MAGDALE-  
NAM, Illustris, Generosi & Nobilissimi Domini, Do-  
mini VVOLFGANGI, Comitis in Hohen-  
lohe, Domini in Langenbergk, & VVeickers-  
heim, &c. filiam, Sponsam, in domum  
suam deducenti, exhibita

NICOLAO FRÖLICH GE-  
rano, L.L. Studiofo.



I E N Æ  
TYPIS TOBIÆ STEINMANNI.  
ANNO MDXCIV.

UNIVERSITÄTS-BIBLIOTHEK  
HALLE  
(SAALE)

BIBLIOTHECA  
PUNICIANA

K. 114, 31.